



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Bernardini Scardaeonii Patauini Presbyteri de Castitate Libri Septem**

**Scardeone, Bernardino**

**Venetiis, 1542**

Multo fatius fore nos saluos esse cum paucis, quam cum multis damnari,  
atq[ue] bonos sequi, quam multos cap. xlvi

**urn:nbn:de:hbz:466:1-30433**

DE CONIV. ET CONTI. SACER.

Matth. 15

& malis, sed in fine tandem admittendos esse tantum bonos ad uitam eternam, malos uero in ima tartara reilicendos, ad supplicium sempiternum.

Multo satius fore nos saluos esse cum paucis, quàm cum multis damnari, atq; bonos sequi, quàm multos. Cap. XLVI.

**E**Xoptare quidem unusquisq; debet se saluum esse, ac beatum fieri cum omnibus: si id non datur, cum pluribus, si ne id quidem, saltem cum paucis. Satis enim & abunde foeliciter eueniet ei, qui saluus fiet, etiam si solus ipse saluus fiat. Alioqui malus fuit Loth ille iustus cum ciuibus suis una commorando perire, quam ab eis fugiens, uel solus à Sodomorum incendio liberari. Etenim quicunq; proficere cupit in uia, Deo non est ei quod plerique multi factitant intuentum, sed quod boni, & iusti faciunt, neque rursus quod pluribus placet, sed quod melioribus, quodq; per se sit bonum, & constantissime ab his ipsis bonis seruatum. Optimum quidem est bonorum exemplis in melius instituire uitam suam: atque non tam quod multi egerint, quàm quod optime actum sit, sibi ad imitandum proponere: in his praesertim, quæ seniorum consiliis, & sanctorum decretis, atque conciliorum placitis immota per tot saecula constiterunt: quorum auctoritati non credere, & quod etiam peius est, contradicere, nefarium certe est, atque summè impium. Verum quia fieri nequit, ut quod optimum est laudetur uulgo ab omnibus, uincat apud nos, atque sit potior sententia, quæ est magis pia, & quæ magis bonis placet, etiam si pauciorum calculis comprobetur. Pulcherrimum haberi solet uictoriae genus: quando multitudo paucioribus, utpote melioribus, cedit. Sit ergo nobis potissimum ad imitandum, non quod uulgo, sed

## LIBER TERTIVS.

go, sed id tantum quod à bonis probatur: ne temere ues-  
tigi grex balantium pecudum demisso capite præcæti-  
uestigia, quocumq; uanus culuis ducis sibilus deduc-  
xerit, prosequamur. Pythagoræ illius antiquissimi philo-  
sophi symbolum legimus. Ne per uiam publicam am-  
bules. Quod, D. Hieronymo interprete sonat, Ne uulgi  
sequaris errores. Viam, inquit Comicus, q̄ nescit ad ma-  
re, amnem quærat comitem sibi. Viarum siquidem am-  
bages uiatorem fallere plarumq; solent, sed fluuius, & si  
longis, & obliquis sinibus deducat, certo tamen itinere  
defluit ad mare quo omnia flumina necessario deferun-  
tur. Qui ergo recte uiuendi rationem cupit edoceri, nõ  
quærat nugas, & insomnia uulgi, & argumeta inania eo-  
rum, quos ignorat: sed eos sibi proponat imitandos, quo-  
rum uita laudatur: & quorum iter certo scitur tẽdere ad  
cælum. Non est enim nobis qua eatur tantum modo,  
sed etiam quam tuto, quoue perueniatur diligenter aspi-  
ciendum: ut non stulte, & temere secundum uulgus, sed  
innocenter iuxta leges, & honeste moderateque pro ra-  
tione uiuamus.

Apud inferos poenam esse non leuamen habere  
socios in ærumnis. Cap. XLVII.

**V**erum ne quis forte sibi blãdiatur: palpetq; sese,  
& sicut cum multis peccat ita etiam sit puniend-  
us cum multis, quasi aliquod afferre miseris so-  
latium possit societas in tormentis, audiat quæso quid-  
de hac ipsa re, D. Augustinus nobis per pulchram simi-  
litudinem paucis uerbis expresserit. Non minus inquit  
est arsurus, qui cum multis, q̄ qui solus ardebit immo  
multo acrius: quandoquidem magis inualefcere ignis  
soleat, quo magis in eum fuerint ligna, atque sar-  
menta coniecta. Iccirco diues ille euangelicus Abra-  
ham poscebat, ut Lazarus ad fratres suos ab infer-

Luc. 16

Q